

ՀՍԽՀ ՊԵՋ-ԱՎԻԱՔԻՄ ԸՆԿԵՐՈՒԹՅՈՒՆ

ՊԵՋ-ԱՎԻԱՔԻՄԸ ԽՍՀՄ-Ի ԽԱՂԱՂ ԱՇԽԱՏԱՆՔԻ ՈՒ ՊԱՇՏՊԱՆՈՒԹՅԱՆ ՀԵՆԱՐԱՆՆ Ե

15608

ԲԱՆԱԶԵՎԵՐ

ՀՍԽՀ ՊԵՋ-ԱՎԻԱՔԻՄԻ ՀԱՅԱՍՏԱՆՅԱՆ 2-ՐԴ ՀԱՄԱԳՈՒՄԱՐԻ

355

Պ-24

«ՊԵՋ-ԱՎԻԱՔԻՄ» ՀԻՄՆԱԿՈՒԹՅՈՒՆ

40897-ակ.

ՀԱՅՊՈԼԻԳՐԱՖԻ ՏՊԱՐԱՆ
ՊԱՏՎԵՐ N 4456
ԳՐԱՌԵՊԳԼԻԿԱՐ 2675 Բ.
ՏԻՐԱԺ 1200

(373
45)

2001

23631-60

ԱՌԱՋԱԲԱՆ

ՊԱՋԸ-Ավիաքիմի Հայաստանյան 2-րդ
Համագումարը մի Հայտարարի բերեց մեր 2
տարվա աշխատանքը և նշեց այն ուղիները,
վորով մեր կազմակերպությունը պետք է ըն-
թանա մոտակա ժամանակամիջոցում:

Կազմակերպությունն ընթացիկ 2 տարում
աճել է 96%-ով, այսինքն մոտ 2 անգամ:

Սակայն աշխատանքի վորակը այդ աճ-
մանը չի համապատասխանում:

Ահա թե ինչու աշխատանքի վորակի բար-
ձրացումը դառնում է մեր հիմնական խնդիրը
առաջիկայում:

Մյուս կողմից Համագումարն ընդգծեց,
վոր բավականաչափ ուշադրություն դարձված
չի լինել մեր խաղաղ շինարարության վրա,
ինչպիսին է դյուղատնտեսական աշխատանքը
և այստեղ մենք կալելացնեյինք՝ քաղաքա-
ցիական ավիացիայի շինարարությունը:

Վերջապես Համագումարը նշեց մեր աշ-
խատանքի թուլությունը կանանց, յերիտա-
սարդության և ազգային փոքրամասնու-
թյունների միջև:

Մեր ամբողջ կազմակերպությունն իր ուժերը պետք է լարի համագումարի վորոշումները մաստայականացնելու և կենսագործելու համար:

ՀՍԽՀ ՊԱԶ-ԱՎԻԱԳԻՄԻ ՀԱՇՎԵՏՈՒ ԶԵԿՈՒՑՄԱՆ ԱՌԹԻՎ.

ՀՍԽՀ ՊԱԶ-ԱՎԻԱԳԻՄԻ Հանրապետական 2-րդ համագումարը լսելով Կենտրոնական խորհրդի հաշվետու ղեկավարումը իր 2 տարվա գործունեության մասին, գտնում է, վոր հաշվետու ժամանակամիջոցում ՊԱԶ-ԱՎԻԱԳԻՄԻ կազմակերպությունն աճել և ունեցել է անվերելի հաջողություններ, սակայն միաժամանակ մատնանշում է, վոր Հանրապետական Կենտրոնի ղեկավարությունը և աշխատանքը կազմակերպչական ու ֆինանսական ասպարիսզում յեղել է անբավարար ինչպես անմիջական ղեկավարող ապարատի թուլություն, այնպես և այդ ապարատում աշխատողների հաճախակի փոփոխության պատճառով:

Համագումարն արձանագրում է, վոր հաշվետու ժամանակաշրջանում, մասնավորապես վերջին 5-6 ամսվա ընթացքում կազմակերպությունն ունեցել է մի շարք նվաճումներ կազմակերպության աճման և աշխատանքների կարգավորման բնագավառում՝ ինչպես որինակ ՊԱԶ-ԱՎԻԱԳԻՄԻ շարքերն են անցել աշխատավորական լայն զանգվածներ

(անդամների քանակը 24,000-ից հասել է 47,000-ի, այսինքն աճել է 96%-ով), կազմակերպության բջիջների և ղեկավար մարմինների աշխատանքներում ընդգրկվել են գործունյա և թարմ ուժեր, վորի շնորհիվ աշխուժացել են կազմակերպության աշխատանքները, կազմակերպչորեն ձևավորվել և ուժեղացել են մի շարք գավառային և շրջանային խորհուրդների աշխատանքները և այդ խորհուրդները ապահովվել են ազատ աշխատակիցներով, վերջերս ծրագրված կարգով և տարվել աշխատավորների ռազմականացման գործը, կազմակերպվել են ռազմական խմբակներ, պահեստի կրտսեր և միջին հրամանակարար կուրսեր, մի շարք գավառներում (Յերեան, Լենինական, Լոռի-Փամբակ) ողա-քի-միական պաշտպանության գծով կազմակերպվել են բժիշկների, դոնապանների, քիմ-հրահանգիչների և հրշեջ խմբերի կուրսեր, միջոցներ են ձեռք առնված դպրոցներում ռազմական աշխատանք տանելու համար, վորտ չափով ուժեղացել է կապն ու համագործակցությունը ԼԿՅԵՄ, պրոֆմիությունների և զորամասերի հետ:

Վերահիշյալ նվաճումների հետ միասին ՊԱՋԸ-Ավիաքիմի կազմակերպությունն ունեցել է մի շարք թերություններ:

1. Մասամբ բացակայել է կուկիտիվ աշխատանքը և ղեկավարությունը թե՛ կենտրոնում և թե՛ տեղերում:

2. Հաճախակի փոփոխության են յենթարկվել պատասխանատու քարտուղարները և հրահանգիչները, ուշադրություն չի դարձվել նրանց վորակի բարձրացման վրա:

3. Թույլ են յեղել սեկցիաների աշխատանքները (բացի մի յերկուսից) և նրանց կողմից բացակայել է կենդանի կապն ու ղեկավարությունը տեղերի հետ:

4. Թույլ է յեղել կենդանի կապն ու ղեկավարությունը զորամասային բջիջների հետ:

5. Անբավարար է յեղել պահեստի հրամանատարական, քաղաքական, վարչական ու այլ կազմի և զորացրված կարմիր բանակայինների ընդգրկումը, հաշվառումն ու ոգտագործումը:

6. Թույլ է յեղել ՊԱՋԸ-Ավիաքիմի մասնակցությունը հերթական զորակոչերին և նրա ոժանդակությունը կ. բանակայինների ընտանիքներին:

7. Կազմակերպության մասնակցությունը զանազան կամպանիաներին յեղել է անկողմնակերպ:

8. Աշխատանքների ընթացքում նկատվել է միակողմանիութիւն, այն խմատով, վոր ռազմական աշխատանքների կողքին բաշխանաչափ ուշադրութիւն չի դարձվել խաղաղ շինարարական աշխատանքին և հատկապէս գյուղատնտեսութեան բարձրացման ու քաղաքացիական ավերացիայի զարգացման աշխատանքի վրա:

9. Անբաւարար է յեղել ակտիւի հայտնարերումը, հաշվառումն ու ոգտադործումը և հոգ չի տարվել ակտիւի վերապատրաստման համար:

10. Անհրաժեշտ չափով չի ոգտադործվել մամուլը:

11. Կաղացել են ագիտպրոպաշխատանքները, չի հրատարակվել մատչելի գրականութիւն:

12. Անկանոն է կաղմակերպութեան վիճահաշվառման գործը:

13. Բաւականաչափ չեն ընդգրկված կաղմակերպութեան մեջ ազգային փոքրամասնութիւնները, կանայք և յերիտասարդութիւնը:

Յեւնելով վերոհիշյալից ՊԱԶԲ-Ավիաքիմի Հայաստանյան 2-րդ համագումարը նորընտիր խորհրդին առաջարկում է՝

1. ԿԱԶՄԱԿԵՐԳՉԱԿԱՆ ԱՇԽԱՏԱՆՔՆԵՐԻ ԲՆԱԳԱՎԱՌՈՒՄ.

1. Մշակել հատուկ ձև և կարճ ժամանակամիջոցում կատարել կաղմակերպութեան վերահաշվառում նրա քանակը և կաղմը պարզելու համար:

2. Տեղերի միջոցով կատարել ակտիւի հաշվառում ու կարգավորել նրա ոգտադործումը. կաղմակերպել կենտրոնում ու տեղերում ակտիւի վերապատրաստման կուրսեր:

3. Ուեժդացնել կենդանի ղեկավարութիւնը տեղերի հետ, թարմացնել և ուեժդացնել հրահանգիչների կադրը և կիրառել ձրի հրահանգիչների ոգտադործման սիստեմը:

4. Կարգավորել խորհրդի նախագահութեան և սեկցիաների նիստերը, ապահովելով կոլեկտիւ աշխատանքն ու ղեկավարութիւնը. լսել տեղերի հաշվետու գեկուցումներն ու տալ համապատասխան դիրեկտիւներ:

5. Տեղերի հետ կապն ու ղեկավարութիւնն ուեժդացնելու նպատակով հրավիրել քարտուղարների, սեկցիաների նախագահների և ակտիւի խորհրդակցութիւններ թե՛ դավառային և թե՛ հանրապետական մասշտաբով:

6. Մշակել հատուկ կանոնադրութիւններ խորհուրդների և սեկցիաների աշխատանքների համար:

7. Ուժեղացնել կապը պետական և հասարակական մարմինների ու կազմակերպությունների հետ, ստեղծելով անհրաժեշտ համագործակցություն:

8. Վճռական և կտրուկ միջոցներ ձեռնարկել կազմակերպություն մեջ հասարակական կարգապահությունն անհրաժեշտ բարձրության վրա դնելու համար, վորն իրականացնելու համար ուժեղացնել գործնական և ագիտարող աշխատանքը:

9. Հատուկ ուշադրություն դարձնել կազմակերպության մեջ ինքնաքննադատություն չունեցի կիրառման վրա, նկատված թերությունները վերացնելու և աշխատանքներն աշխուժացնելու համար գործի կանչելով ամբողջ կազմակերպությունը:

10. Ուժեղացնել կապն ու ղեկավարությունը գործառնային բնիքների նկատմամբ:

11. Ուժեղացնելով գործնական և ագիտարող-աշխատանքները, շարունակել կազմակերպության մեջ աշխատավորական լայն մասսաներին ընդգրկելու աշխատանքը, հատուկ ուշադրություն դարձնելով ազգային փոքրամասնությունների, կանանց և կոմյունիստականների ընդգրկման վրա:

12. Միջոցներ ձեռք առնել բոլոր գավառներում, իսկ նյութական հնարավորու-

թյան դեպքում նաև բոլոր շրջաններում, ազատ վարձու աշխատակիցներ ունենալու և հրաժարվել այդ աշխատակիցների հաճախակի փոփոխություններից:

13. Շրջադրույթներին կից կազմակերպել աշխատավորություն ռազմականացման գյուղատնտեսական և ագիտարող սեկցիաներ:

2. ԱԳԻՏՊՐՈՊ ԱՇԽԱՏԱՆՔՆԵՐԻ

ԱՍՊԱՐԻԶՈՒՄ.

1. Ագիտարող աշխատանքները կարգավորելու և սխտեմատիկ դարձնելու համար կանոնավորել ագիտարող սեկցիաների աշխատանքները և միաժամանակ ուժեղացնել ղեկավարությունը տեղերի ագիտարող սեկցիաների վրա:

2. Լայն կերպով ռդտագործել մամուլը, մանավանդ «Խորհրդային Հայաստան», «Մածկալ» և «Կարմիր Զինվոր» թերթերը, պարզաբանելով կազմակերպության բացերը, նվաճումները և հերթական անելիքները:

3. Միջոցներ ձեռք առնել մատչելի լեզվով և եժանագին մասսայական գրականություն հրատարակելու ասպարիզում և միաժամանակ լայն չափով տարածել Հայկական Հրաձիգ Դիվիզիայի Քաղբաժնի հրատարակած ու հրատարակվող գրականությունը:

4. Թե՛ յերկրի պաշտպանության և թե՛ սոցիալիստական շինարարության ասպարիզում ՊԱՋԸ-Ավիաքիմի կատարած աշխատանքները շուրջը հասարակական կարծիք ոտեղծելու համար ուժեղացնել ագիտարարող աշխատանքը թե՛ քաղաքում և թե՛ գյուղում: Այս ուղղությամբ ոգտագործել խրճիթ-ընթերցարանները, ակումբները և այլն:

5. Հարց բարձրացնել հատուկ ՊԱՋԸ-Ավիաքիմի որ ունենալու մասին:

6. Կարգավորել և կահավորել ռազմական անկյունները և այդ անկյունների աշխատանքները դարձնել հետաքրքրական:

7. Լայն չափով ոգտագործել կուլտուրական ուժերին՝ բժիշկներին, գյուղատնտեսներին և մասնավորապես ուսուցչությանը:

8. Կազմակերպությունը ակտիվ մասնակից դարձնել տարվող ընթացիկ կամպանիաներին:

3. ԿԱՆԱՆՑ ՄԵՋ ՏՍՐՎՈՂ ԱՇԽԱՏԱՆՔՆԵՐԻ ԱՍՊԱՐԻՋՈՒՄ.

1. Տեղերում հրավիրել կանանց խորհրդակցություններ կանանց դերն ու անելիքները յերկրի պաշտպանության գործում լուսարոնելու համար:

2. Բանգեղջրաթիւնների հետ կանանց պատգամավորական ժողովներում հասուկ գեկուցումներ ղենել ՊԱՋԸ-Ավիաքիմի նպատակների ու անելիքների մասին և հատուկ կամպանիա անցկացնել կանանց ՊԱՋԸ-Ավիաքիմի շարքերը ներգրավելու համար:

3. Պատրաստել ակտիվ կանանցից ձրի հրահանգչական կադր, վորոնց ամեն կերպ ոգտագործել ՊԱՋԸ-Ավիաքիմի նպատակները կանանց մեջ մասսայականացնելու գործում:

4. Բոլոր գավխորհուրդներին և չրջխորհուրդներին կից կազմակերպել աշխատավոր կանանց մեջ աշխատող սեկցիաներ:

5. Ուժեղացնել ու կարգավորել առաջին ոգնության (սանիտարական) և կանանց հրաձգային խմբակների աշխատանքը վորակյալ խմբակավարներ տրամագրելով:

6. Կանանց յերկրի պաշտպանության գործին ակտիվ մասնակից դարձնելու համար անհրաժեշտ գտնել տեղերում կազմակերպել հատուկ (կարելի յե նաև յերկսեռ) կուրսեր, իսկ վորտեղ հնարավոր ե նաև խմբակներ՝ կապի (հեռախոսուհիների և հեռագրիչների), ռազմա-սանիտարական, քիմիական պահեստներում աշխատողների, հեռախուզային գործն ուսումնասիրողների, թիկունքային պաշտպանության, հրաձգային և ռազմա-վարչատնտեսական ծառայություն:

ԿԵՆՏՐՈՆԱԿԱՆ ՎԵՐՍՏՈՒԳԻՋ ՀԱՆՁՆԱԺՈՂՈՎԻ ԱՇԽԱՏԱՆՔՆԵՐԻ ՄԱՍԻՆ

Համագումարը լսելով ԿՎՀ-ի զեկուցումը արձանագրում է, վոր հաշվետու ժամանակաշրջանում համեմատած անցյալ տարիների հետ, վորոշ նվաճումներ են արված կազմակերպության Ֆին-տնտեսական դրությունը բարելավելու բնադավառում: Թե՛ կենտրոնում և թե՛ գավառներում վորոշ չափով անց են կացել նախահաշվային աշխատանքի, տեղ-տեղ կանոնավորված և անդամավճարների գանձման գործը, վորոշ չափով կանոնավորված է նաև մատակարարման գործը:

Սրա հետ միասին նկատվել են մի շարք երական բացեր՝

1) Ընդհանուր առմամբ բացակայել է կայուն Ֆինանսական բազան:

2) Սեկցիաները չեն բավարարվել ըստ նախահաշվի, վորի հետևանքով աշխատանքները թույլ են ընթացել:

3) Ընդհանրապես բացակայել է կայուն նախահաշիվը, վորպիսի հանգամանքն ազդել է աշխատանքների վրա:

4) Միաժամանակ նկատվել է Ֆինանսական անկարգապահություն և կամպանիաների ընթացքում դրամական հաշվետվություններ չներկայացնելու դեպքեր, վորպիսի հանգամանքը զրկել է կենտրոնի անցած կամպանիաների մասին լրիվ պատկեր ստանալու հնարավորությունից:

5) Մի շարք գավկազմակերպություններ չեն ներկայացրել միամսյա և յեռամսյա Ֆին-հաշվետվությունները:

6) Մատակարարման գործը դրված է յեղել վոր բավարար հիմքերի վրա, վորի հետեվանքով մի շարք գավկազմակերպությունների պահանջները չեն բավարարվել:

7) Անդամավճարների դանձումը դեռևս չի կանոնավորված:

8) Շրջանային խորհուրդներն ու բջիշները կանոնավոր չեն ստանում իրենց հասանելիք տոկոսները մուտքի վճարներից ու անդամավճարներից:

9) Բավականաչափ ուշադրություն չի դարձվել իրավական անդամակցության խընդրի վրա, վորը կազմելու յե կազմակերպության պրակտիկ աշխատանքներն աշխուժացնելու կարևոր նյութական աղբյուրներից մեկը:

10) Թե՛ կենտրոնական և թե՛ տեղական

վերստուգիչ հանձնաժողովները խոչոր չափով
թերացել են իրենց վրա դրած պարտականու-
թյունները կատարելուց:

11) Կենտրոնական և տեղական վերստու-
գիչ հանձնաժողովների միջև բացակայել է
կենդանի կապը և բավարար հիմքերի վրա չի
դրվել դրավոր ղեկավարութունը:

12) Վատնումների և ղեղծարարություն-
ների դեմ ժամանակին հարկ չեղած միջոցներ
ձեռք չեն առնվել:

Վերոհիշյալից յեղնելով համագումարն
առաջարկում է նորընտիր կենտխորհրդին և
կենտրոնական վերստուգիչ հանձնաժողով-
ներին՝

1. Առանձնահատուկ ուշադրություն դար-
ձնել կազմակերպության համար Փինանսա-
կան կայուն բազա ստեղծելու վրա, ոգտվելով
բոլոր այն նյութական հնարավորություննե-
րից, վորոնք թույլատրելի յեն ՊԱԶԼ-Ավիա-
բիմի կազմակերպության համար:

2. Անցնել կայուն նախահաշիվների ու
սեկցիաներն ապահովել անհրաժեշտ դրամով,
մտցնել խիստ կարգապահություն բյուջեների
ծախսման գործում:

3. Կազմակերպության ֆինանսական դը-
րությունը բարելավելու համար առաջարկել
վարից վեր մուծելու ունեցած պարտքերը:

4. Հաշվետվությունը կանովավոր հիմ-
քերի վրա դնելու համար այդպիսին կենտրո-
նացնել ՊԱԶԼ-Ավիաբիմի Կենտխորհրդում:

5. Հատուկ ուշադրություն դարձնել ան-
դամավճարների գանձման խնդրի վրա, այդ-
պիսին հառցնելով 100 տոկոսի: Գտնել ան-
հրաժեշտ անդամավճարների չափի բարձրա-
ցումը և առաջարկել նորընտիր կենտխորհր-
դին մշակելու այդ չափը և այդ մասին հարց
հարուցելու մեր պատգամավորության կողմից
Անդրկովկասյան համագումարի առաջ:

6. Առաջարկել գավխորհուրդներին, վոր-
պեսդի նրանք չըջխորհուրդներին և բջիջներին
հատկացնեն իրենց հասանելիք տոկոսները
մուտքի վճարներից, անդամավճարներից և
այլ գումարներից: Այս վորոշումը լրիվ կի-
րառելու համար առաջարկել Կենտխորհրդին
հատուկ չըջարերականով պարզարանել մինչև
բջիջը հասանելիք տոկոսների չափը:

7. Իրավական անդամակցության խնդրի
լուծումը համարել հարվածային և ձեռք առ-
նել կտրուկ միջոցներ խնդիրը վերջնականա-
պես լուծելու համար:

8. Ուժեղացնել կենդանի և դրավոր կապը
տեղերի հետ, պարտավորեցնելով ԿՎՀ հանձ-
նաժողովին հանդես գալու հատուկ զեկու-
ցումներով բյուրոների և պատ. քարտուղար-
ների խորհրդակցություններին:

23631-60



9. Առանձին ուղադրութիւն դարձնել
պարբերաբար Փինանսական ստուգումներ կա-
տարելու վրա: Միաժամանակ պարբերաբար
հետազոտութիւնների յենթարկել խորհուրդ-
ների ռպերատիվ-սեկցիոն աշխատանքները:

ՊԱՋԸ-ԱՎԻԱՔԻՄԻ ԴԵՐԸ ԴՅՈՒՂԱՏՆՏԵՍՈՒԹՅԱՆ ԱՍՊԱՐԻ- ԶՈՒՄ

1. Նկատի ունենալով, Վոր յերկրի պաշտ-
պանության հզորագույն զենքերից մեկը կազ-
մում է յերկրի ապահովումը գյուղատնտե-
սական մթերքներով, համագումարն արձա-
նագրում է, Վոր գյուղատնտեսական արտա-
դրության բարձրացման աջակցելու աշխա-
տանքը կազմում է ՊԱՋԸ-Ավիաքիմի հիմնա-
կան և անհրաժեշտ անելիքներից մեկը:

2. ՊԱՋԸ-Ավիաքիմի գյուղատնտեսական
աշխատանքի բնագտվառում ամենահիմնական
անելիքը պետք է համարել ընկերության գյու-
ղացի անդամների գյուղատնտեսական ան-
գրագիտության վերացումը և անդամների
վողջ տնտեսության ռացիոնալացումն ու ար-
տադրության բարձրացումը:

Այս նպատակով անհրաժեշտ է, Վորպես-
դի ՊԱՋԸ-Ավիաքիմի գյուղական բջիջները՝

ա) Ամբողջ կազմով մասնակցեն գոյու-
թիւն ունեցող գյուղատնտեսական խմբակնե-
րում, իսկ այդպիսիների բացակայության
դեպքում նախաձեռնեն գյուղատնտեսական

խմբակների կազմակերպմանը և ակտիվ մասնակցութիւնն ցույց տան նրանց գործնական աշխատանքներին:

բ) կապ հաստատեն տեղի ագրո-պրոպ-հանձնաժողովի և չրջանի գյուղատնտեսական պերսոնալի հետ և նրանց միջոցով բջիջներում կազմակերպեն զրույցներ, դասախոսութիւններ և գյուղատնտեսական կարճատե դասընթացքներ:

գ) կազմակերպեն մրցումներ բջիջներում և մասնակցեն չրջանային ու այլ գյուղատնտեսական ցուցահանդեսներին:

դ) ընդառաջ դնան չրջանի գյուղատնտեսներին և վերջիններիս ցուցմունքներով ու ղեկավարութեամբ կազմակերպեն իրենց տնտեսութիւններում ցուցադաշտեր և այլ ցուցադրական աշխատանքներ կիրառելով գյուղատնտեսութեան նորագույն ձևերը:

ե) հարկ յեղած դեպքում և վորտեղ հնարավոր է գյուղատնտեսի համաձայնութեամբ և բջիջի վորոշումով պարտադիր համարեն բջիջի անդամների համար հետևյալ ռացիոնալ միջոցների ներածումը իրենց տնտեսութեան մեջ՝ սերմերի զտում, գոմաղբով և մոխրով պարարտացում, կուլտուրական բույսերի վրնասատուների և հիվանդութիւնների դեմ պայքարելը և այլ տարրական ու մատչելի

ռացիոնալ ձևերի կենսագործումը տնտեսութեան մեջ (ագրոմիխիմում):

3. Գյուղատնտեսական սեկցիաները պետք է ուժեղացնեն իրենց գործունեութիւնը հետևյալ բնագավառներում՝ պետք է հրավիրեն արտադրական խորհրդակցութիւններ գյուղում, հայտարարեն և կազմակերպեն մրցանակաբաշխութիւններ չրջանային կամ գավառային մասշտաբով, կազմակերպեն ջոկատներ հատկապես պտղատու ծառերի և այգիների վնասատուների դեմ կռիւլու համար, բանան և ղեկավարեն գյուղատնտեսական տարբեր ճյուղերի վերաբերյալ դասընթացքներ և հրատարակեն գյուղատնտեսական մատչելի գրականութիւն, այս բոլոր խնդիրների առթիւ համաձայնութեան գալով Հողօրդումատի և տեղական հողբաժինների հետ թե՛ ֆունկցիաների ճշտման և թե՛ աշխատանքի չրջանացման ու ծավալի վերաբերմամբ:

4. Գյուղատնտեսական սեկցիաները և բրջիջները ամենասերտ կապը պետք է հաստատեն գավառներում գործող բոլոր փորձնական հիմնարկութիւնների հետ և միջոցներ ձեռք առնեն, վորպեսզի այդ հաստատութիւններն իրենց մասսայական փորձերը կազմակերպեն ՊԱՋԸ-Ավիաքիմի բջիջների անդամների տնտեսութիւններում, ստեղծելով այդպիսով

ՊԱՋԸ-Ավիաքիմի կադրերից փորձագետ գյուղացիներ:

Գյուղատնտեսական սեկցիաները համաձայնության պիտի գան փորձնական հիմնարկությունների հետ և նրանց ղեկավարությամբ ու մասնակցությամբ պիտի փորձեն դնելու գյուղատնտեսության քիմիկացիայի այնպիսի խնդիրներ, վորոնց կիրառումը մտնում է ՊԱՋԸ-Ավիաքիմի նպատակների մեջ և համարվում է անհրաժեշտ:

5. Միաժամանակ համագումարն արձանագրում է, վոր ամբողջ ԽՍՀՄ-ի մասշտաբով խորհրդային հասարակայնության առաջ դրված սերմնացանի կամպանիան, վորը նպատակ ունի բարձրացնել բերքատվությունը և ավելացնել գյուղատնտեսության արտադրանքը, պարտադրում է ՊԱՋԸ-Ավիաքիմին ակտիվ մասնակցություն ցույց տալ սերմանման կամպանիաներին, ներգրավելով այդ աշխատանքի մեջ ՊԱՋԸ-Ավիաքիմի գոյություն ունեցող բոլոր բջիջները:

Բջիջների մասնակցությունն այդ գործում պետք է արտահայտվի նախ և առաջ անդամների ամբողջ վարելահողերի ցանքով, այն ել անպայման մաքրած սերմերով և հողերի պարարտացումով: Այդ նպատակով պիտի հանձնարարել բոլոր գյուղական բջիջներին գործ-

նական կապ հաստատել սերմանման տեղական մարմինների ու հողբաժինների հետ և համապատասխան միջոցներ ձեռք առնել չքավոր տնտեսությունների հողերը ցանելու ու պարարտացնելու, դիմելով նաև աշխատանքի ինքնոգնության մատչելի ձևերին:

6. Սերտ կապ հաստատել կոլեկտիվ տնտեսությունների և ՊԱՋԸ-Ավիաքիմի գյուղական բջիջների միջև ներգրավելով կոլտնտեսությունների անդամներին ՊԱՋԸ-Ավիաքիմի կազմակերպության մեջ և ընդհանրապես:

7. Ուժեղացնել գեղջկուհիների մասնակցությունը գյուղական բջիջների գյուղատնտեսական աշխատանքի մեջ:

8. ՊԱՋԸ-Ավիաքիմի գյուղբջիջների գյուղատնտեսական աշխատանքներն ավելի արդյունավետ դարձնելու համար սերտ կապ հաստատել գյուղատնտեսական արտադրության հետ կապված բոլոր կազմակերպությունների հետ, ինչպես և գյուղյերիտ և գյուղատնտեսական ղարոցների, տեխնիկումների և Պետհամալսարանի ուսանողության հետ, նրանց ուժերն ոգտագործելու նպատակով:

ՊԱՋԸ-ԱՄԻԱՔԻՄԻ ԽՆԴԻՐՆԵՐԸ ՌԱԶՄԱԿԱՆ ԱՇԽԱՏԱՆՔԻ ԲՆԱ- ԳԱՎԱՌՈՒՄ

Համագումարն արձանագրում է, վոր դեռ
ևս բաժնականաչափ չեն ծախալվել ռազմական
սեկցիայի աշխատանքները կենտրոնում, դե-
կավարությունը գավսեկցիաների նկատմամբ
բավարար չի յեղել, թե՛ կենտրոնում և թե՛
տեղերում բացակայել է ծրագրային աշխա-
տանքը աշխատաշարության ռազմականաց-
ման ասպարիզում և չի նկատվել տեղական
սեկցիաների ինքնագործունեյությունը:

Համագումարը հանձնարարում է նորըն-
տիր խորհրդին՝

1. Նշել ռազմական խմբակների կայուն
դիսլոկացիա ամբողջ հանրապետության մեջ
և վերջնականապես կանոնավորել այդ խմ-
բակների աշխատանքը:

2. Անհրաժեշտ համարել բոլոր հնարավո-
րության բոլոր դավ. և շրջկենտրոններում
ու մեծ գյուղերում և անպայման բոլոր քա-
ղաքներում ու արտադրական ձեռնարկներում
ունենալ ՊԱՋԸ-Ավիաքիմի օրինակելի ռազ-
մական անկյուններ:

3. Բոլոր գավկենտրոններում ունենալ
ձգարաններ, վորոնք պետք է պլտանի լինեն
թե՛ մանր տրամաչափի և թե՛ յերեք գծանի
հրացաններից կրակելու համար: Հաջորդա-
բար անցնել նաև շրջկենտրոններում ձգարան-
ներ կազմակերպելու խնդրին:

4. Կանոնավոր հիմքերի վրա դնել ռազ-
մական խմբակների ու նրանց անդամների և
մանավանդ ռազմական խմբակների ակտիվի
հաշվառումը: Զորացրված կրտսեր և միջակ
հրամկազմի դասընթացքներն ավարտածներին
անխտիր լծել ռազմական խմբակների աշխա-
տանքներին, խրախուսելով նրանց կատարած
աշխատանքը:

5. Բարելավել հրացանների ու ռազմա-
նյութերի հաշվառումը և պահպանումը:

6. Ռազմական խմբակներն ապահովել յե-
րեք գծանի հրացաններով և փամփուշտներով
անտես չառնելով նաև կոտորակներով հրա-
ձգությունը:

7. Ռազմական խմբակների ուսուցման
գործում վերացնել մի'այն հրաձգություն սո-
վորեցնելու թեքումը, ուժեղացնելով ռազմա-
կան դաստիարակության ասպարիզում կարե-
վոր մնացած բոլոր մոմենտները, այն է՝
կարգապահությունը, զինվորական կեցված-
քը, ճշտապահությունը, մաքրասիրությունը և

գորաչարժերի ժամանակ տրված հրահանգները ժամանակին կատարելը:

8. Ռազմական խմբակների պարապմունքների ընթացքում անհրաժեշտ ուշադրությունը դարձնել խմբակների անդամներին թիկունքի, արտադրական կենտրոնների և գավ. ու շրջ. կենտրոնների պաշտպանության խնդրի համար պատրաստելու վրա:

9. Ռազմական խմբակներն ապահովել գրահանությամբ և այլ անհրաժեշտ ձեռնարկներով:

10. Պարբերաբար կազմակերպել ինքնուրույն զորաչարժեր, գլխավորապես մանր զորամասերով, զորացրված հրամկազմին հանձնարարելով լուծել այս կամ այն խնդիրը բանվորական և արտադրական կենտրոնների պաշտպանման բնագավառում: Մեծ զորաչարժեր կազմակերպել միայն զորամասերի հետ, կանխորեն այդպիսին լավ նախապատրաստելով:

11. Կազմակերպել դասախոսություններ բնակեցված վայրերում մարտ մղելու և հեղափոխական կարգ պահպանելու մասին:

12. Ռազմական սեկցիան իր անդամների միջոցով պարբերաբար պետք է ստուգի ռազմական խմբակների դրությունն ու նրանց աշխատանքը տեղերում:

13. Համագումարն արձանագրում է, վոր որպիսիական պաշտպանության բնագավառում աշխատանքը Հայաստանում սկսվել է 1928 թվին և պլանային կարգով տարվում է միայն 1929 թվից:

Համագումարն անհրաժեշտ է համարում ամբողջ կազմակերպության ուշադրությունը սրել աղգաբնակչության որպիսիական անգրագիտությունը վերացնելու ուղղությամբ, վորի համար անհրաժեշտ է՝

ա) անցնել ՌԲՊ սեկցիաների պաշտպանության ա'յն գավառներում, ուր այդպիսին գոյություն չունի, ուշադրություն դարձնելով ակտիվ աշխատողների համապատասխան ընտրության վրա:

բ) ՊԱՋԸ-Ավիաբիմի Կենտխորհրդին կից ՌԲՊ սեկցիայի կողմից աղգաբնակչությունն ընդգրկելու համար մշակված պլանն առաջին հերթին անց կացնել արտադրական ձեռնարկներում:

գ) ՌԲՊ քաղաքային ջոկատների ձևակերպումը վերջացնել ամենամոտ ժամանակի ընթացքում և այդ ջոկատներն ապահովել համապատասխան նյութական միջոցներով:

դ) առանձին ուշադրություն դարձնել հրահանգչական կադրեր պատրաստելու վրա, վորոնց միջոցով և անց կացնել ՌԲՊ գործնական ձեռնարկումները:

ե) ուշադրութիւն դարձնել բժիշկների կադրեր պատրաստելուն և ոգտագործել ՈՒՔՊ աշխատանքների ընթացքում քաղաքացիական հիմնարկների տեխնիկական պերսոնալը:

զ) լայն կերպով ընդգրկել ՈՒՔՊ ջոկատների աշխատանքով կանանց, առավելապես բժշկա-սանիտարական և կապի զորախմբեր կազմակերպելու գծով:

ը) գերատեսչական զորախմբերի կազմակերպումը համարել հիմնարկութիւնների ու ձեռնարկութիւնների անելիքը: ՈՒՔՊ սեկցիաները պետք է լրիվ աջակցութիւն ցույց տան այդպիսիները վարժեցնելու և պատրաստելու գործին:

թ) ազգաբնակչությանն ապահովել Ուղա-քիմիական պաշտպանութեան վերաբերյալ հայերեն և թուրքերեն մատչելի գրականութեամբ:

ՀԱՅ Հ ՊԱԶԸ-ԱՎԻԱՔԻՄԻ ՆԱԽԱԳԱՀ ՈՒԹՅԱՆ ԿԱԶՄԸ .

1. Տեր-Գաբրիելյան—մախագահ
2. Մելիք-Շահնազարյան—փոխ-մախագահ
3. Գարագաշ—փոխ-մախագահ
4. Հովհաննիսյան Մամիկոն—Պատ. ֆարտուղար
5. Բաբլումյան
6. Գրիգորյան
7. Տարախչյան
8. Մամիկոնյան
9. Արարատյան
10. Ստեփանյան
11. Աբրահամյան
12. Մեղմիկյան
13. Յերիցյան
14. Զիքախյան
15. Վարդանյան Սերգո (Տոկար Սերգո)
16. Ազարյան
17. Յեսայան Գաբրիել
18. Հակոբյան Հակոբ
19. Կամսարական

ԹԵԿՆԱԾՈՒՆԵՐ.

1. Հարությունյան Ռուբեն
2. Մինասյան
3. Մարտիրոսյան Մուշեղ
4. Աբաջյան Միսակ
5. Տանին
6. Շահբազյան

ՎԵՐՍՏՈՒԴԻՉ ՀԱՆՁՆԱԺՈՂՈՎԻ ԿԱԶՄԵՐ.

1. Հովսեփյան Արմենակ
2. Բաղդասարյան Արմենակ
3. Հարությունյան Ավետիս
4. Գեորգյան Արամ
5. Խեչումյան Վարդուշ

ԹԵԿՆԱԾՈՒՆԵՐ.

1. Սակովսկի
2. Թախմախյան Արաֆսի
3. Ղաթխմազյան Վարդան



ԲՈՎԱՆԴԱԿՈՒԹՅՈՒՆ

	Եջ
Առաջաբան	3
ՀՍԽՀ Պաշտպանության հաշվետու գեկուցման առթիվ	5
Կենտրոնական վերստուգիչ Հանձնաժողովի աշխատանքների մասին	14
Պաշտպանության հաշվետու գեկուցման աշխատանքների մասին	19
Պաշտպանության հաշվետու գեկուցման աշխատանքների մասին	24

2013
ՀՀ Ազգային գրադարան



80951
NL0047956

ԳԻՆԸ 5 ԿՈՊ.